

Rumantsch è ina lingua naziunala, ma ina lingua parzialmain uffiziala da la Confederaziun, numnadama en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validat legala.

Lescha federala davart la protecziun dals animals (LPAn)

dals 16 da december 2005 (versiun dal 1. da schaner 2022)

*L'Assamblea federala da la Confederaziun svizra,
sa basond sin ils artitgels 80 alineas 1 e 2 sco er 120 alinea 2 da la Constituziun
federala¹,
suenter avair gi invista da la missiva dal Cussegl federal dals 9 da december 2002²,
concluda:*

1. chapitel Disposiziuns generalas

Art. 1 Intent

L'intent da questa lescha è quel da proteger la dignitat ed il bainesser da l'animal.

Art. 2 Champ d'applicaziun

¹ La lescha vala per vertebrats. Il Cussegl federal fixescha per tge invertebrats ch'ella è applitgabla en tge dimensiun. Per quest intent s'orientescha el a las experientschas scientificas davart la sensibilitad dals invertebrats.

² Resalvadas restan la Lescha da chatscha dals 20 da zercladur 1986³, la Lescha federala dal 1. da fanadur 1966⁴ davart la protecziun da la natira e da la patria, la Lescha federala dals 21 da zercladur 1991⁵ davart la pestga, la Lescha federala dals 13 da december 2002⁶ davart la furmaziun professiunala sco er la Lescha federala dal 1. da fanadur 1966⁷ davart epidemias d'animals.

AS 2008 2965

- ¹ SR 101
- ² BBI 2003 657
- ³ SR 922.0
- ⁴ SR 451
- ⁵ SR 923.0
- ⁶ SR 412.10
- ⁷ SR 916.40

Art. 3 Noziuns

En questa lescha signifitgan las suandardas noziuns il sequent:

- a. *dignitat*: l'atgna valur da l'animal che sto vegnir respectada cun tractar l'animal. La dignitat da l'animal na vegg betg respectada, sch'ina grevezza da l'animal na po betg vegnir giustifitgada cun interess predominants. Ina grevezza è avant maun, sche l'animal sto subir oravant tut dolurs, suffrientschas u donns, sch'el vegg tementà umilià, sche sia apparientscha u sias abilitads veggan midadas radicalmain u sch'el vegg instrumentalisà memia fitg;
- b. *bainesser*: il bainesser dals animals è particularmain dà, sche:
 1. la tegnida ed il nutriment dals animals èn uschia, che lur funcziuns dal corp e lur cumporament n'èn betg disturbads ed uschia, che lur abilitad da s'adattar n'è betg dumandada en moda excessiva,
 2. els han la pussaivladad da sa cumporar en moda confurma a la spezia entaifer lur abilitad biologica da s'adattar,
 3. els èn clinicamain sauns,
 4. i veggan evitads dolurs, suffrientschas, donns e tema;
- c. *experiment cun animals*: mintga mesira, tar la quala veggan utilisads animals vivs per:
 1. examinar ina ipotesa scientifica,
 2. constatar l'effect d'ina tscherta mesira vi da l'animal,
 3. examinar ina substanza,
 4. gudagnar u examinar cellas, organs u liquids corporals, danor sche quai vegg fatg en il rom da la producziun agricula, d'ina activitat diagnostica u curativa vi da l'animal ubain per cumprovar il stadi da la sanadad da populaziuns d'animals,
 5. mantegnair u reproducir organissem esters a la spezia,
 6. servir a l'instrucziun sco er a la scolaziun ed a la furmaziun supplemen-tara.

Art. 4 Princips

¹ Tgi che s'occupa d'animals, sto:

- a. tegnair quint il meglie pussaivel da lur basegns; e
- b. procurar per lur bainesser, uschenavant che l'intent da lur utilisaziun permetta quai.

² Nagin na dastga chaschunar nungiustifitgadamain dolurs, suffrientschas u donns ad in animal, tementar l'animal u betg resguardar sia dignitat en in'autra moda. Igl è scumandà da maltractar, da negliger u da stanclentar animals nun necessariamain.

³ Il Cussegli federal scumonda ulteriuras praticas vi d'animals, sche quellas violeschan lur dignitat.

Art. 5 Scolaziun ed infurmaziun

1 La Confederaziun po promover la scolaziun e la furmaziun supplementara da quellas persunas che s'occupan d'animals.

1bis Il Cussegl federal po prevair che tschertas scolaziuns e furmaziuns supplementaras vegnian renconuschidas da la Confederaziun e dals chantuns.⁸

2 La Confederaziun procura per l'infurmaziun da la publicitat en dumondas da la protecziun dals animals.⁹

2. chapitel S'occupar d'animals**1. secziun Tegnair animals****Art. 6 Pretensiuns generalas**

1 Tgi che tegna u ha quità d'animals, als sto nutrit e tgirar adequatamain, als conceder l'occupaziun e la libertad da sa mover ch'èn necessarias per lur baineser sco er – sche quai fa da basegn – in alloschi.

2 Suenter avair consultà ils circuls interessads decretescha il Cussegl federal – resguardond las experientschas scientificas e tegnend quint dal stadi da l'experientscha e dal svilup tecnic – prescripziuns davart la tegnida d'animals, particularmain pretensiuns minimalas. El scumonda geners da tegnair animals che cuntrafan als princips da la protecziun dals animals.

3 El po fixar las pretensiuns a la scolaziun ed a la furmaziun supplementara da las possessuras e dals possessurs d'animals sco er da quellas persunas che scoleschan u che tgiran animals.¹⁰

Art. 7 Obligaziun d'annunzia e da dumandar ina permissiun, scumonds¹¹

1 Il Cussegl federal po suttametter a l'obligaziun d'annunzia u da dumandar ina permissiun tscherts geners da tegnair animals, la tegnida da tschertas spezias d'animals sco er tschertas tgiras d'animals.¹²

2 Il commerzi cun sistems ed indrizs da stallaziun che vegnan producids en seria per animals da niz dovra ina permissiun federala. La permissiun vegn concedida mo, sch'ils sistems ed ils indrizs correspondan a las pretensiuns d'ina tegnida d'animals confirma a lur natira. Il Cussegl federal regla la procedura da permissiun e determina-

⁸ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁹ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

¹⁰ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

¹¹ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

¹² Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

nescha per tge animals da niz ch'ella è applitgabla. Per tscherts geners da tegnair animals po el prevair excepcions da l'obligaziun da dumandar ina permissiu.

³ La teginida professiunala e privata d'animals selvadis, che fan pretensiuns spezialas a la teginida d'animals ed a la tgira d'animals, basegna ina permissiu. L'import da delfins e d'autras spezias da balenas (*cetacea*) è scumandà.¹³

⁴ Il Cussegl federal po declarar sco obligatoric da dumandar ina permissiu per il commerzi e l'utilisaziun da meds auxiliars e d'apparats che chaschunan suffrientschas e che vegnan duvrads per instruir e per controllar animals u als po scumandar.¹⁴

Art. 8 Protecziun da las investiziuns

Ils edifizis ed ils indrizs che vegnan permess tenor questa lescha per animals da niz pon vegnir duvrads – suenter lur construcziun – almain durant la durada ordinaria d'amortisaziun.

Art. 9 Persunal per la tgira d'animals

Il Cussegl federal po determinar en tge secturs ordaifer l'agricultura che l'engaschament da tgiradoras e da tgiraders d'animals è necessari.

2. secziun Tratga d'animals e modificaziuns geneticas

Art. 10 Trair e producir animals

¹ L'applicaziun da metodas da tratga e da producziun naturalas sco er artifizialas na dastga betg chaschunar – als animals geniturs ed a lur descendants – dolurs, suffriendschas, donns u disturbis dal cumportament che vegnan chaschunads u ch'en liads a la finamira da tratga; resalvadas restan las disposiziuns davart experiments cun animals.

² Il Cussegl federal decretescha prescripcions davart la tratga e davart la producziun d'animals e fixescha ils criteris per giuditgar l'admissibladad da las finamiras da tratga e da las metodas da reproducziun; per quest intent resguarda el la dignitat da l'animal. El po scumandar la tratga, la producziun, la teginida, l'import, il transit e l'export sco er il commerzi cun animals che han tschertas caracteristicas, en spezial abnormitads dal corp e dal cumportament.¹⁵

¹³ Integrà la segunda frasa tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

¹⁴ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

¹⁵ Versiun da la segunda frasa tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

Art. 11 Obligaziun da dumandar ina permissiun per animals modifitgads geneticamain

¹ Tgi che producescha, tira, tegna, dovrà u fa commerzi cun animals modifitgads geneticamain dovrà ina permissiun chantunala. Tgi che producescha, tira, tegna u fa commerzi cun tals animals per intets da perscrutazion, da terapia e da diagnostica, dovrà ina permissiun chantunala tenor l'artigel 19 alinea 1. En ils auters cas sa drizza la procedura da permissiun tenor las disposiziuns davart experiments cun animals e tenor la Lescha dals 21 da mars 2003¹⁶ davart la tecnica genetica.

² Suenter avair consultà ils circuls interessads, la Cumissiun federala d'etica per la biotecnologia en il securt betg uman, la Cumissiun federala spezialisada per la segi-rezza biologica e la Cumissiun federala per ils experiments cun animals fixescha il Cussegl federal criteris che permettan da considerar ils interess cun producir, cun trair, cun tegnair e cun duvrar animals modifitgads geneticamain sco er cun far commerzi cun tals animals.

³ Il Cussegl federal regla las pretensiuns als instituts, en ils quals vegnan realisadas activitads tenor l'alinea 1 seconda frasa, en spezial las pretensiuns a l'infrastructura, al persunal, a la surveglianza ed a la documentaziun.

⁴ Il Cussegl federal po prevair excepcziuns da l'obligaziun da dumandar ina permissiun ubain simplificaziuns en la procedura da permissiun particularmain, sch'igl è cler, ch'i na resultan betg dolurs, suffrientschas, donns u disturbis dal cumportament tar ils animals, pervia da las metodas da producziun u da tratga, e sch'i vegn tegnì quint da la dignitat da l'animal en in'autra moda.

Art. 12 Obligaziun d'annunzia

¹ Ils animals modifitgads geneticamain che subeschan dolurs, suffrientschas, donns u disturbis dal cumportament pervia da la producziun u pervia da la tratga, ubain dals quals la dignitat na vegn betg resguardada en in'autra moda ston vegnir annunziads a l'autoritat chantunala.

² L'autoritat chantunala transferescha questas annunzias a la Cumissiun chantunala per experiments cun animals e decida – sin fundament da la proposta da tala – davart l'admissibladad da la tratga.

³ Il Cussegl federal regla ils detagls da l'annunzia.

3. secziun Circulaziun d'animals e da products d'animals¹⁷

Art. 13¹⁸ Obligaziun da dumandar ina permissiun e d'annunzia

¹ Il commerzi professional cun animals e l'utilisaziun d'animals vivs per far reclama dovràn ina permissiun.

² Il Cussegħ federal po deklärar occurrentas surregionalas cun animals sco suttamessas a l'obligaziun d'annunzia e po dumandar ina permissiun.

Art. 14 Cundiziuns, restricziuns e scumonds¹⁹

¹ Per motivs da la protecziun dals animals e da la protecziun da las spezias po il Cussegħ federal liar a cundiziuns, restrencher u scumandar l'import, il transit e l'export d'animals u da products d'animals.²⁰ Resalvà resta l'import da charn koschra e da charn halal, per garantir il probediment suffizient cun tala charn da las communitads gidieua ed islamica. Il dretg d'importar e da retrair tala charn è reservà a las commembrahs ed als commembrahs da questas communitaħħas sco er a lur persunas giuridicas ed a lur societäts da persunas appartegnentas.

² Scumandads èn l'import, il transit e l'export da fols da għat-tnejha e da chaun e da products da tals sco er il commerzi cun tals fols e cun tals products.²¹

4. secziun Transports d'animals

Art. 15 Principi²²

¹ Ils transports d'animals ston vegħiġi fatgs cun sħanetg e senza in retardunn-necessari. La durada dal viadi importa maximalmain 6 uras a partit da la piazza da chargiada. Il Cussegħ federal decretescha las disposiziuniexcepziunali.

² Suenter avair consultà las organisażjoni da bransha regla el las pretensiuni a la scolaziun ed a la furmaziun supplementara dal persunal incumbensà cun il transport professional d'animals.

¹⁷ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

¹⁸ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

¹⁹ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

²⁰ Versiun tenor l-agħiġu 1 cifra 2 da la LF dals 16 da mars 2012 davart la circulaziun cun animals e cun plantas da spezias protegidas; en vigur dapi il 1. d'oct. 2013 (AS 2013 3095; BB1 2011 6985).

²¹ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

²² Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BB1 2011 7055).

Art. 15a²³ Transports internaziunals d'animals

- 1 Tgi che organisescha professiunalmain transports internaziunals d'animals dovrà ina permissiun.
- 2 Il Cussegl federal po determinar tge normas internaziunalas che ston vegnir obser-vadas tar transports internaziunals d'animals.
- 3 Il transit tras la Svizra d'arments, da nursas, da chauras, da portgs, da chavals da maz e da giaglinom da maz dastga vegnir fatg mo cun la viafier u cun aviuns.

5. secziun Intervenziuns vi d'animals**Art. 16**

Las intervenziuns che chaschunan dolurs dastgan vegnir fatgas mo cun ina suppresa-siun generala u locala da las dolurs che vegn exequida d'ina persuna cumpetenta. Il Cussegl federal fixescha las excepcziuns. El determinescha tge personas che valan sco cumpetentas. Resalvadas restan las disposiziuns da questa lescha concernent ils experiments cun animals.

6. secziun Experiments cun animals**Art. 17** Restricziun a la dimensiun indispensabla

Ils experiments cun animals che chaschunan dolurs, suffrientschas u donns als ani-mals, che als tementeschan, che pregiuditgeschan considerablamain lur stadi general u che na resguardan betg lur dignitat en in'autra moda ston vegnir restrenschids a la dimensiun indispensabla.

Art. 18 Obligaziun da dumandar ina permissiun

- 1 Tgi che vul far experiments cun animals dovrà ina permissiun da l'autoritat chantunala cumpetenta.
- 2 Las praticas tenor l'artitgel 11 alinea 1 ultima frasa han il medem status da procedura sco ils experiments cun animals.
- 3 L'autoritat chantunala cumpetenta suttametta las dumondas da permissiun per ex-periments cun animals tenor l'artitgel 17 a la Cumissiun chantunala per experiments cun animals.
- 4 Las permissiuns ston vegnir limitadas. Ellas pon vegnir colliadas cun cundiziuns e cun pretensiuns.
- 5 Ils instituts ed ils labors che fan experiments cun animals sco er las tratgas d'animals d'experiment ston tegnair ina controlla dal dumber d'animals.

²³ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBl 2011 7055).

Art. 19 Pretensiuns

¹ Il Cussegħ federal fixescha las pretensiuns als instituts ed als labors, en ils quals dastgan vegnir fatgs experiments cun animals, a la scolaziu ed a la furmaziun supplementara dal persunal sco er a la permissiun da tegnidas, da tratgas e da negozis d'animals d'experiment.

² Il Cussegħ federal determinescha ils criteris per giuditgar la dimensiun indispensabla en il senn da l'artikel 17.

³ Il Cussegħ federal po deklärar sco inadmissibels tscherts intents d'periments.

⁴ In experiment cun animals è en spezial inadmissibel, sch'el chaschuna dolurs, suffrjentschas u donns memia gronds a l'animal en cumparegħlaziun cun il gudogn d'enconuschentschas ubain sch'el tementescha memia fitgħ l'animal.

Art. 20 Execuziun dals experiments

¹ Dolurs, suffrjentschas u donns dastgan mo vegnir chaschunads ad in animal, u in animal dastga mo vegnir tementà, sche quai è inevitabel per ademplir l'intent da l'experiment cun animals.

² Ils experiments dastgan vegnir fatgs mo cun animals d'in stgalim superior da la scala da l'evoluziun, sche l'intent na po betg vegnir cuntanschi cun animals d'in stgalim inferiur da la scala da l'evoluziun e sch'i na dat naginas metodas alternativas adattadas.

³ Il Cussegħ federal fixescha las ulteriuras pretensiuns a l'execuziun dals experiments.

Art. 20a²⁴ Infurmaziun da la publicitat

¹ Suenter la terminaziun d'in experiment cun animals publitgescha l'Uffizi federal da segirezza alimentara e fatgs veterinars (USAV)²⁵ las suandardas indicaziuns:

- a. il titel ed il secur spezial da l'experiment cun animals;
- b. l'intent da l'experiment;
- c. il dumber d'animals duvrads da mintga spezia d'animals;
- d. il grad da grevezza, al qual ils animals involvids èn stads suttamess.

² Il Cussegħ federal po prevair ch'i vegnian publitgadas ulteriuras indicaziuns, sche nagins interessa publics u privats predominants degns da vegnir protegids na s'opponan a quai.

³ El regla ils detagls, en spezial il grad da precisaziun da las indicaziuns che ston vegnir furnidas da las persunas responsablas per in experiment cun animals. En quest

²⁴ Integrà tras la cifra I da la LF dals 15 da zer. 2012, en vigur dapi il 1. da matg 2014 (AS 2012 6279, 2013 3707; BBI 2011 7055).

²⁵ La designaziun da l'unità administrativa è vegnida adattada per il 1. da schan. 2014 appliqgħond l'art. 16 al. 3 da l'Ordinaziun dals 17 da nov. 2004 davart las publicaziuns uffizjalas (AS 2004 4937). Questa adattazzjoni è vegnida fatga en tut il text.

connex resguarda el ils interess publics u privats predominants degns da vegnir protegids.

6a. secziun²⁶

Sistem d'infurmaziun en il sectur dals experiments cun animals

Art. 20b Intent e cuntegn

¹ La Confederaziun maina in sistem d'infurmaziun en il sectur dals experiments cun animals per sustegnair las incumbensas legalas da la Confederaziun e dals chantuns.

² Il sistem d'infurmaziun cuntegna las suandatas datas da persuna:

- a. datas davart persecuziuns e sancziuns administrativas e penales;
- b. datas davart permissiuns e davart surveglianzas dals experiments cun animals;
- c. datas davart permissiuns e davart surveglianzas da las tegnidias, da las tratgas e dals negozis d'animals d'experiment;
- d. datas per annunziar lingias u tscheps d'animals engrevgiads;
- e.²⁷ datas davart la scolaziun e davart la furmaziun supplementara;
- f. datas ch'èn necessarias per publitgar la statistica d'periments cun animals;
- g. datas ch'èn necessarias per administrar las applicaziuns ed ils sistems.

Art. 20c Dretgs d'access

¹ En il rom da lur incumbensas legalas dastgan las suandatas persunas elavurar datas da persuna, datas da persuna ch'èn spezialmain degnas da vegnir protegidas sco er profils da la personalitat, ed avair access a questas datas:

- a. las collavuraturas ed ils collavuraturs da l'Uffizi federal veterinar (UFV) che adempleschan incumbensas che stattan en connex cun la surveglianza suprema;
- b. las collavuraturas ed ils collavuraturs da las autoritads chantunalas da permissiun, en lur champ da cumpetenza;
- c. las commembres ed ils commembers da las cumissiuns chantunalas per experiments cun animals, en lur champ da cumpetenza;
- d. las collavuraturas ed ils collavuraturs dals instituts, dals labors sco er da las tegnidias, da las tratgas e dals negozis d'animals d'experiment, en lur champ da cumpetenza.

² Las collavuraturas ed ils collavuraturs da las autoritads chantunalas da permissiun ed ils commembers da las cumissiuns chantunalas per experiments cun animals

²⁶ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBl 2011 7055).

²⁷ Versiun tenor la cifra 20 da l'agiunta da la LF dals 20 da zer. 2014 davart il perfecziument, en vigur dapi il 1. da schan. 2017 (AS 2016 689; BBl 2013 3729).

dastgan – en ina procedura d’invista – prender cogniziun da datas d’auters chantuns davart dumondas e decisiuns da permissiun, sche quai è necessari per ademplir lur incumbensas legalas.

Art. 20d Taxes

La Confederaziun incassescha taxes dals chantuns per l’utilisazion dal sistem d’infurmazion. Il Cussegl federal fixescha las taxas.

Art. 20e Regulaziuns cumplementaras

Il Cussegl federal regla:

- a. la collavuraziun cun ils chantuns;
- b. il catalog da datas;
- c. las responsabladdas per l’elavuraziun da las datas;
- d. ils dretgs d’access, particularmain la dimensiun dals access en la procedura d’invista;
- e. las mesiras organizatoricas e tecnicas ch’èn necessarias per garantir la protecziun da las datas e la segrezza da las datas, particularmain las premissas per conceder l’access;
- f. l’archivaziun;
- g. il termin da tegnair en salv e da stizzar las datas.

7. secziun Mazzar animals

Art. 21

¹ Ils mammals dastgan vegnir mazzads mo, sch’els èn vegnids sturnids avant che cumenzar a traer il sang.

² Il Cussegl federal po suttametter il mazzament d’auters animals a l’obligaziun da sturnir.

³ El determinescha las metodos da sturnir admessas.

⁴ Suenter avair consultà las organisaziuns da branscha regla el las pretensiuns a la scolaziun ed a la furmaziun supplementara dal personal dals stabiliments da maz.

3. chapitel Perscrutaziun

Art. 22

¹ La Confederaziun maina e sustegna la perscrutaziun scientifica e relevanta per la protecziun dals animals.

² En collavuraziun cun las scolas autas e cun l'industria promova ella cunzunt il svilup, la renconuschienscha e l'applicazion da metodas che pon remplazzar ils experiments cun animals u che pon reducir il dumber d'animals d'experiment ubain la grevezza che quels ston supportar. En spezial promova ella ils projects da perscrutaziun spezialis che han la finamira d'eliminar las dolurs, las suffrientschas u las temas en cas d'intervenziuns tenor l'artitgel 16.

4. chapitel Mesiras administrativas e recurs d'autoritads

Art. 23 Scumonds da tegnair animals

¹ L'autoritat cumpetenta po scumandar per in temp limità u illimità a las suandantas persunas da tegnair u da trair animals, da far commerzi cun animals u da s'occupar professiunalmain d'animals:

- a. a las persunas ch'èn vegnidias chastiadas pervia da cuntravenziuns repetidas u grevas counter las prescripcions da questa lescha e da ses decrets executivs u counter disposiziuns;
- b. a las persunas ch'èn per auters motivs inablas da tegnair u da trair animals.

² In tal scumond pronunzià d'in chantun vala en l'entira Svizra.

³ L'UFV maina in register dals scumonds pronunziads. Da quest register pon ils posts chantunals spezialisads prender invista tenor l'artitgel 33 per ademplir lur incumbensas legalas.²⁸

⁴ Il Cussegli federal po concluder contracts internaziunals concernent il barat vicendivel d'infurmaziuns davart scumonds pronunziads. El po prevair che scumonds ch'èn vegnidis pronunziads a l'exterior sajan applitgabels en Svizra.²⁹

Art. 24 Intervenziuns da l'autoritat

¹ L'autoritat cumpetenta intervegn immediatamain, sch'i vegn constatà che animals vegnan negligids u tegnidis sut cundiziuns totalmain inadequatas. Ella po sequestrar preventivamain ils animals ed als collocar en in lieu adattà a quint da la possessura u dal possessur; sche necessari lascha ella vender u mazzar ils animals. Per quest intent po ella dumandar l'agid dals organs da polizia.

² Il retgav d'ina utilisaziun da l'animal pervegn a la possessura u al possessur, suenter avair deduci ils custs da procedura.

³ Sch'i vegnan constatadas cuntravenziuns chastiablas counter las prescripcions da questa lescha, fan las autoritads ch'èn cumpetentas per l'execuzion ina denunzia penalna.³⁰

²⁸ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

²⁹ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³⁰ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁴ En cas levs po l'autoritat ch'è cumpetenta per l'execuziun renunziar da far ina denunzia penalna.³¹

Art. 25³² Recurs d'autoritads

¹ Cunter disposiziuns da las autoritads chantunalas concerment experiments cun animals ha l'UFV ils medis legals dal dretg chantunal e federal.

² Las autoritads chantunalas communitgeschan lur decisiuns immediatamain a l'UFV.

5. chapitel Disposiziuns penals

Art. 26 Maltractament d'animals

¹ Cun in chasti da detenziun da fin a 3 onns u cun in chasti pecuniar vegg chastià tgi che fa intenziunadamax il suandard:³³

- a. maltracta, negligescha, stanclenta nunneccessariamain in animal u na resguarda betg sia dignitat en in'autra moda;
- b. mazza animals en moda crudaivla u da levsenn;
- c. organisescha cumbats tranter u cun animals, tar ils quals ils animals veggan maltractads u mazzads;
- d. chaschuna dolurs, suffrientschas u donns ad in animal u al tementescha cun realisar experiments, nun che quai saja inevitabel per la finamira persequitada;
- e. lascha ir u lascha enavos in animal domestic u in animal tegnì en in manaschi cun l'intenziun da sa deliberar d'el.

² Sche la delinquenta u il delinquent agescha per negligentscha, vegg ella u el chastià cun in chasti pecuniar da fin a 180 taxas per di.³⁴

Art. 27³⁵ Cuntravenziuns en la circulaziun d'animals e da products d'animals

¹ ...³⁶

² Cun ina multa da fin a 20 000 francs vegg chastià tgi che na resguarda intenziunadamax betg – en la circulaziun d'animals u da products d'animals – las cundiziuns, las restricziuns u ils scumonds tenor l'artitgel 14. L'emprova, la cumplicitad e

³¹ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³² Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³³ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³⁴ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³⁵ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³⁶ Guardar er sur art. 45a qua sutvart.

l'instigaziun èn chastiablas. Sche la delinuenta u il delinquent agescha per negligentscha, vegn ella u el chastià cun ina multa.

Art. 28 Ulteriuras cuntravenziuns

¹ Nun che l'artitgel 26 saja applitgabel, vegn chastià cun ina multa da fin a 20 000 francs tgi che intenziunadamax:³⁷

- a. na resguarda betg las prescripziuns davart la tegnida d'animals;
- b. tira u producescha animals cuntrari a las prescripziuns;
- c. producescha, tira, tegna, fa commerzi u utilisescha animals modifitgads geneticamain cuntrari a las prescripziuns;
- d. transporta animals cuntrari a las prescripziuns;
- e. fa intervenziuns vi da l'animal u experiments cun animals cuntrari a las prescripziuns;
- f. mazza animals cuntrari a las prescripziuns;
- g. fa outras praticas vi d'animals, ch'èn scumandadas per lescha u per ordinazion;
- h.³⁸ fa professiunalmain commerzi cun animals cuntrari a las prescripziuns;
- i.³⁹ utilisescha animals vivs per intents da reclama cuntrari a las prescripziuns.

² L'emprova, la cumplicitad e l'instigaziun èn chastiablas. Sche la delinuenta u il delinquent agescha per negligentscha, vegn ella u el chastià cun ina multa.⁴⁰

³ Cun ina multa vegn chastià tgi che cuntrafa intenziunadamax u per negligentscha ad ina prescripziun executiva, da la quala la violaziun è vegnida declarada sco chastiabla, u ad ina decisiun ch'è drizzada ad el e che cuntegna la smanatscha da chasti tenor quest artitgel.⁴¹

Art. 29 Surannaziu

La persecuziun penala surannescha en 5 onns, il chasti en 4 onns.

Art. 30 Persunas giuridicas e societads kommerzialas

L'artitgel 6 da la Lescha federala dals 22 da mars 1974⁴² davart il dretg penal administrativ è applitgabel.

³⁷ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³⁸ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

³⁹ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁴⁰ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁴¹ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁴² SR 313.0

Art. 31⁴³ Persecuziun penala

¹ La persecuziun ed il giudicament d'acts chastiabels èn chaussa dals chantuns.

² Tenor l'artigel 27 alinea 2 persequitescha e giuditgescha il USAV cuntravenziuns che vegnan constatadas dals posts da controlla da cunfin admess a chaschun da l'import, dal transit e da l'export d'animals e da products d'animals. Sch'igl exista a medem temp ina cuntravenziun cunter la Lescha da duana dals 18 da mars 2005⁴⁴ u cunter la Lescha dals 12 da zercladur 2009⁴⁵ davart la taglia sin la plivalur, persequitescha e giuditgescha l'Uffizi federal da la duana e da la segirezza dals cunfins (UDSC) las cuntravenziuns.⁴⁶

³ Sch'igl exista en cas da l'import, dal transit e da l'export d'animals e da products d'animals ordaifer ils posts da controlla da cunfin renconuschids a medem temp ina cuntravenziun cunter la Lescha da duana dals 18 da mars 2005 u cunter la Lescha dals 12 da zercladur 2009 davart la taglia sin la plivalur, persequitescha e giuditgescha il UDSC las cuntravenziuns.⁴⁷

⁴ Sch'ina cuntravenziun represchenta a medem temp ina cuntravenziun tenor ils alienas 1, 2 u 3, ch'è drizzada cunter la Lescha federala dals 16 da mars 2012⁴⁸ davart il traffic cun spezias d'animals e da plantas protegidas, cunter la Lescha da duana dals 18 da mars 2005, cunter la Lescha dals 12 da zercladur 2009 davart la taglia sin la plivalur, cunter la Lescha da viciualias dals 20 da zercladur 2014⁴⁹, cunter la Lescha dal 1. da fanadur 1966⁵⁰ davart epidemias d'animals, cunter la Lescha da chatscha dals 20 da zercladur 1986⁵¹ u cunter la Lescha federala dals 21 da zercladur 1991⁵² davart la pestga, e che sto vegnir persequitada da la medema autoridad federala, vegn applità il chasti smanatschà per la cuntravenziun la pli greva; quest chasti po vegnir augmentà adequatamain.⁵³

⁴³ Versiun tenor la cifra I da la LF dals 15 da zer. 2012, en vigur dapi il 1. d'oct. 2013 (AS 2012 6279; BBI 2011 7055). Guardar er art. 45a qua sutvart.

⁴⁴ SR 631.0

⁴⁵ SR 641.20

⁴⁶ Versiun tenor la cifra I 11 da l'O dals 12 da zer. 2020 davart l'adattazion da leschas en consequenza da la midada da la designaziun da l'Administratzion federala da duana en il rom da ses ulteriur svilup, en vigur dapi il 1. da schan. 2022 (AS 2020 2743).

⁴⁷ Versiun tenor la cifra I 11 da l'O dals 12 da zer. 2020 davart l'adattazion da leschas en consequenza da la midada da la designaziun da l'Administratzion federala da duana en il rom da ses ulteriur svilup, en vigur dapi il 1. da schan. 2022 (AS 2020 2743).

⁴⁸ SR 453

⁴⁹ SR 817.0

⁵⁰ SR 916.40

⁵¹ SR 922.0

⁵² SR 923.0

⁵³ Versiun tenor la cifra II 2 da l'aggiunta da la Lescha da viciualias dals 20 da zer. 2014, en vigur dapi il 1. da matg 2017 (AS 2017 249; BBI 2011 5571).

6. chapitel Disposiziuns finalas

1. secziun Execuziun

Art. 32 Execuziun tras la Confederaziun ed ils chantuns

¹ Il Cussegl federal decretescha las prescripziuns executivas. El po autorisar l'UFV da decretar prescripziuns executivas da caracter tecnic.⁵⁴

² L'execuziun è chaussa dals chantuns, nun che la lescha prevesia insatge auter. Ils chantuns pon reguinalisar l'execuziun.

^{2bis} Il Cussegl federal po obligar ils chantuns d'infurmarr la Confederaziun davart las mesiras executivas ch'els han prendi e davart ils resultats da las controllas e da las examinaziuns ch'els han fatg.⁵⁵

³ Il Cussegl federal determinescha en tge dimensiun ch'ils manaschis che tegnan animals ston veginr controllads e co che la realisaziun dals experiments cun animals sto veginr survegliada. La controlla dals manaschis che tegnan animals e la registrazion correspundenta da datas ston veginr coordinadas cun las controllas che veginr pretendidas en la legislaziun davart l'agricultura, las epidemias d'animals e las vic-tualias.

⁴ Il Cussegl federal regla la scolaziun e la furmaziun supplementara da las persunas che adempleschan funcziuns en connex cun l'execuziun da questa lescha.⁵⁶

⁵ Tenor l'artitgel 7 alinea 2 èn l'execuziun da la procedura da permissiun e la surve-glianza da l'import, dal transit e da l'export d'animals e da products d'animals als posts da controlla da cunfin admess chaussa da la Confederaziun.⁵⁷

Art. 32a⁵⁸ Collavuraziun internaziunala

Il Cussegl federal po far contracts internaziunals davart la scolaziun, la realisaziun da controllas ed il barat d'infurmaziuns sin il champ da la protecziun dals animals.

Art. 32b⁵⁹ Protesta

¹ Las disposiziuns da l'UFV pon veginr contestadas cun ina protesta.

² L'effect suspensiv po veginr privà da la protesta.

³ Il termin da protesta dura 10 dis.

⁵⁴ Versiun da la seconda frasa tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁵⁵ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁵⁶ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁵⁷ Versiun tenor la cifra I da la LF dals 15 da zer. 2012, en vigur dapi il 1. d'oct. 2013 (AS 2012 6279; BBI 2011 7055). Guardar er art. 45a qua sutvart.

⁵⁸ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁵⁹ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

Art. 33 Post chantunal spezialisà

Ils chantuns installeschan mintgamai in post spezialisà che stat sut la responsabladad da la veterinaria chantunala u dal veterinari chantunal; in post ch'è adattà per garantir l'execuziun da questa lescha u da las prescripziuns ch'èn vegnidias decretadas sin basa dad ella.

Art. 34 Cumissiun chantunala per experiments cun animals

¹ Ils chantuns nomineschan mintgamai ina Cumissiun per experiments cun animals che sa cumpona da spezialistas e da spezialists, ch'è independenta da l'autoritat da permissiun ed en la quala èn represchentadas adequatamain las Organisaziuns per la protecziun dals animals. Plirs chantuns pon instituir ina cumissiun cuminaivla.

² La Cumissiun per experiments cun animals examinescha las dumondas e fa ina proposta a l'autoritat da permissiun. Ella vegn consultada per controllar la tratga d'animals d'experiment e l'execuziun dals experiments cun animals. Ils chantuns la pon delegar ulteriuras incumbensas.

Art. 35 Cumissiun federala per experiments cun animals

¹ Il Cussegl federal instituescha ina Cumissiun per experiments cun animals che sa cumpona da spezialistas e da spezialists. Questa cumissiun cussegli la UFV e stat a disposiziun als chantuns per dumondas da princip e per cas contestads.⁶⁰

² La Cumissiun federala per experiments cun animals collavura cun la Cumissiun federala d'etica per la biotecnologia en il secur betg uman.

Art. 35a⁶¹ Cumissiuns d'examen

¹ Il Cussegl federal po nominar cumissiuns d'examen che organiseschan examens da persunas che adempleschan funcziuns en connex cun l'execuziun da questa lescha.

² Las cumissiuns d'examen communitgeschan ils resultats dals examens en furma d'ina disposiziun.

³ Il Cussegl federal po delegar als chantuns l'organisaziun dals examens.

Art. 36 Statistica d'periments cun animals

L'UFV publitgescha annualmain ina statistica davart tut ils experiments cun animals che vegnan realisads en Svizra.⁶² La statistica infurmescha la publicitat davart dumondas concernent ils experiments cun animals e concernent las modificaziuns geneticas vi d'animals.

⁶⁰ Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁶¹ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁶² Versiun tenor la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

Art. 37 Cunvegna da finamiras

Cun ils chantuns po il Cussegl federal concluder cunvegnas da finamiras davart secturs parzials da l'execuziun da questa lescha.

Art. 38 Cooperaziun d'organisaziuns e da firmas

1 La Confederaziun ed ils chantuns pon consultar organisaziuns e firmas per l'execuziun da questa lescha u crear organisaziun adattadas per quest intent.

2 Els surveglian la cooperaziun da questas organisaziuns e da questas firmas. L'autoritat cumpetenta descriva en ina incarica da prestaziun las incumbensas e las cumpetenças che vegnan surdadas a questas organisaziuns ed a questas firmas. Davart lur gestiun e lur contabilitad ston ellas render quint a questa autoritat. La controlla parlamentara en la Confederaziun ed en ils chantuns resta resalvada.

3 Il Cussegl federal ed ils chantuns pon autorisar las organisaziuns e las firmas incumbensadas da metter a quint taxas per lur activitad.

Art. 39 Dretg d'access

Las autoritads ch'èn incumbensadas cun l'execuziun da questa lescha han access als locals, als indrizs, als vehichels, als objects ed als animals; per quest intent han ellas la qualitat d'organs da la polizia giudiziala.

Art. 40 Surveglianza suprema da la Confederaziun

La surveglianza suprema da la Confederaziun davart l'execuziun da questa lescha tras ils chantuns è chaussa dal Departament federal da l'intern⁶³.

Art. 41 Taxes

1 Nun che la lescha disponia insatge auter, è sia execuziun libra da taxas.

2 Ils chantuns èn autorisads d'incassar taxas per:

- a. permissiuns e disposiziuns;
- b. controllas che han chaschunà reclamaziuns;
- c. servetschs spezials che han chaschunà lavur che surpassan l'actividad administrativa usitada.

3 Il Cussegl federal fixescha il rom per las taxas chantunalas.

Art. 42 Prescripcziuns chantunalas

1 Uschenavant che questa lescha basegna dretg chantunal complementar per sia execuziun, èn ils chantuns obligads da far las prescripcziuns correspundentas.

⁶³ Expressiun tenor la cifra I 14 da l'Ordinaziun dals 15 da zer. 2012 (nova structuraziun dals departaments), en vigur dapi il 1. da schan. 2013 (AS 2012 3655). Questa midada è vegnida resguardada en l'entir decret.

² Ils chantuns communityeschan las prescripcions executivas al Departament federal da l'intern.

2. secziun Aboliziun dal dretg vertent e disposiziuns transitoricas

Art. 43 Aboliziun dal dretg vertent

La Lescha federala dals 9 da mars 1978⁶⁴ davart la protecziun dals animals veggia abolida.

Art. 44 Disposizion transitorica tar l'art. 16

A partir dal 1. da schaner 2009 èsi scumandà da chastrar chirurgicamain porschels senza supprimer las dolurs. Sch'i n'è betg avant maun per quest termin ina metoda alternativa ch'è adattada per la pratica, po il Cussegl federal suspender l'entrada en vigur da quest scumond maximalmain per 2 onns.

Art. 45 Disposizion transitorica tar la protecziun giuridica

Fin a l'entrada en vigur da la Lescha dals 17 da zercladur 2005⁶⁵ davart il Tribunal administrativ federal veggia reglada la protecziun giuridica cumplementarmain a las disposiziuns generalas davart l'Organisaziun giudiziala sco suonda: La Cumissiun da recurs dal Departament federal d'economia giuditgescha ils recurs cunter disposiziuns da l'UFV.

Art. 45a⁶⁶ Disposizion da coordinaziun

Independentamain dal fatg, sche la Lescha federala dals 16 da mars 2012⁶⁷ davart la circulaziun da las spezias da fauna e da flora protegidas (LFCITES) u sche la midada dals 15 da zercladur 2012 da la LPAn entra en vigur sco emprima, veggan midads ils artitgels 27 alinea 1, 31 sco er 32 alinea 5 LPAn – cun l'entrada en vigur da la lescha che entra pli tard en vigur sco er sche omadas leschas entran en vigur a medem temp – sco suonda:

...68

⁶⁴ [AS 1981 562; 1991 2345; 1995 1469 art. 59 cifra 1; 2003 4181, 4803 aggiunta cifra 3; 2006 2197 aggiunta cifra 45]

⁶⁵ SR 173.32. Questa lescha è entrada en vigur il 1. da schan. 2007.

⁶⁶ Integrà tras la cifra I da la LF dals 15 da zer. 2012, en vigur dapi il 1. da schan. 2013 (AS 2012 6279; BBI 2011 7055).

⁶⁷ BBI 2012 3465

⁶⁸ Las midadas pon er vegnir consultadas en la AS 2012 6279.

3. sezioni Referendum ed entrada en vigur

Art. 46

¹ Questa lescha è suttamessa al referendum facultativ.

² Ella vegn publitgada en il Fegl uffizial federal, sche l'iniziativa dal pievel «per ina proteczjun dals animals confirma al temp (Gea a la proteczjun dals animals!)» vegn retratga u refusada⁶⁹.

³ Il Cussegl federal fixescha l'entrada en vigur.

Data da l'entrada en vigur: 1. da settember 2008⁷⁰

⁶⁹ L'iniziativa dal pievel è vegnida retratga (guardar BBl 2006 355).

⁷⁰ COCF dals 23 d'avr. 2008..

